



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-06-11-9461-1/23
Sarajevo, 26.04.2023. godine

Na osnovu člana 37a i 51 Zakona o lovstvu („Službene novine Federacije Bosne i Hercegovine” broj: 4/06, 8/10 i 81/14), Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz budžeta Kantona Sarajevo ("Službene novine Kantona Sarajevo" br. 33/11, 7/12, 37/13, 16/14, 6/17, 43/20, 20/21 i 28/21), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 15/18) i Odluke Vlade Kantona Sarajevo broj: 02-04-12820-25/23 od 20.04.2023. godine o usvajanju o Programa utroška sredstava iz Budžeta Kantona Sarajevo u cilju unapređenja lovstva na području Kantona Sarajevo za 2023. godinu Ministarstvo privrede Kantona Sarajevo objavljuje

JAVNI POZIV

za dodjelu sredstava iz Budžeta Kantona Sarajevo u cilju unapređenja lovstva na području Kantona Sarajevo za 2023. godinu

I PREDMET JAVNOG POZIVA:

Predmet Javnog poziva je prikupljanje prijava-projektnih prijedloga za dodjelu sredstava Ministarstva privrede Kantona Sarajevo s pozicije 614300 - IAN 024 – Takući transfer Izrada lovno gospodarskih osnova.

II KRATAK OPIS PROJEKATA, CILJEVI PROJEKATA

Javni poziv se raspisuje u cilju finansiranja/sufinansiranja projekata za unapređenje lovstva na području Kantona Sarajevo. U skladu sa članom 51. Zakona o lovstvu („Službene novine Federacije Bosne i Hercegovine“, broj: 4/06, 8/10 i 81/14), pod unapređivanjem lovstva smatra se: zaštita, održavanje i poboljšanje životnih uslova divljači u lovištu (poboljšanje ispasišta, dodatna ishrana, izgradnja i održavanje solila, pojilišta), dostizanje i održavanje odgovarajuće polne i starosne strukture pojedinih vrsta divljači u okviru utvrđenih kapaciteta lovišta, unošenje novih vrsta divljači u lovište, čuvanje i zaštita divljači i lovišta (opremljena i obučena lovočuvarska služba), izgradnja lovno-uzgojnih i lovno-tehničkih objekata, poduzimanje mjera za smanjenje šteta koju pričinu divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavka rasnih lovačkih pasa i izdavačka djelatnost.

III UKUPAN IZNOS RASPOLOŽIVIH SREDSTAVA

Sredstva u oblasti lovstva za finansiranje/sufinansiranje projekata su osigurana u Budžetu Kantona Sarajevo za 2023. godinu, na poziciji 614300 - IAN 024 – Takući transfer Izrada lovno gospodarskih osnova, u iznosu od 23.300,00 KM (slovima: dvadesettrihiljade konverbitilnih maraka).

Napomena:

- sredstva koja se dodjeljuju isključivo su namjenjena realizaciji malih projekata iz oblasti lovstva,



- projekti koji se prijavljuju moraju biti precizno obrazloženi uz argumentovanje ciljeva i očekivanih rezultata,
- ne mogu se prijaviti projekti koji su napravljeni samo u korist članova lovačkih udruženja,
- administrativni troškovi koji su predviđeni projektom neće se financirati/sufinancirati,

IV PRAVO UČEŠĆA U JAVNOM POZIVU

Pravo učešća na Javni poziv imaju korisnici lovišta koji sa Ministarstvom privrede Kantona Sarajevo imaju zaključen ugovor o zakupu sportsko-privrednog lovišta na područja Kantona Sarajevo.

V USLOVI ZA UČEŠĆE U JAVNOM POZIVU

Da bi podnosioci prijava mogli učestvovati u ovom Javnom pozivu, moraju ispuniti sljedeće uslove:

- Registracija udruženja kod nadležnog tijela – Ministarstvo privrede će po službenoj dužnosti provjeriti registraciju udruženja,
- Projekti razvojnog karaktera iz oblasti lovstva shodno članu 51. Zakona o lovstvu,
- Ekonomska i društvena opravdanost projekta,
- Finansijski izvještaj o utrošku sredstva za projekte odobrene u prethodnoj godini – Ministarstvo privrede će po službenoj dužnosti provjeriti da li su dostavljeni izvještaji o utrošku sredstva za projekte odobrene u prethodnoj godini,
- Organizovanost i broj članova udruženja,
- Organizovanost lovočuvarske službe,
- Da je podnosilac zahtjeva uplatio zakupninu za korištenje lovišta za lovnu 2023/24 godinu - Ministarstvo privrede će po službenoj dužnosti provjeriti uplatu zakupnine za korištenje lovišta,
- Da se protiv podnosioca prijave odnosno lica ovlaštenog za zastupanje i voditelja projekta ne vodi krivični postupak i nije pravosnažno osuđen za prekršaj i/ili počinjenje krivičnog djela,
- Da korisnik lovišta ima sa Ministarstvom privrede Kantona Sarajevo zaključen ugovor o zakupu sportsko-privrednog lovišta,
- Da su korisnici lovišta dobili saglasnost Ministarstva privrede na godišnji plan gospodarenja lovištem za lovnu 2023/24 godinu.

VI POTREBNA DOKUMENTACIJA

Podnosioci prijave iz tačke IV ovog javnog poziva trebaju priložiti sljedeću dokumentaciju:

1. Popunjen, potpisan i ovjeren prijavni obrazac (koji se može preuzeti na na web stranici Ministarstva privrede (web: <http://mp.ks.gov.ba>) i mora sadržavati popunjene sve tražene podatke,
2. Projekat/Program,
3. Ugovor o radu na neodređeno vrijeme za lovočuvara/e,
4. Uvjerenje o izmirenim porezima i doprinosima,
5. Izjavu da se protiv podnosioca prijave odnosno lica ovlaštenog za zastupanje i voditelja projekta ne vodi krivični postupak i da nije pravosnažno osuđen za prekršaj i/ili počinjenje krivičnog djela (IZ-1),
6. Izjavu potpisanu i ovjerenu od ovlaštene osobe za zastupanje da će sredstva dodijeljena po ovom Javnom pozivu namjenski utrošiti shodno kandidovanom projektu (IZ-2),
7. Izjavu ovjerenu i potpisanu od ovlaštenog lica za zastupanje o visini vlastitog učešća u implementaciji kandidovanog projekta, sa naznačenim iznosom vlastitog učešća (IZ-3).

Ako postoji partner na projektu, podnosilac prijave je dužan uz izjavu dostaviti dokaz o visini sredstava kojima će isti sufinancirati projekat (sporazum o saradnji ili ugovor). Ukoliko je projekat sufinanciran iz više izvora, u prijavnom obrascu upisati finansijsku konstrukciju, u suprotnom projekat neće biti uzet u razmatranje.

Svi dokumenti koji se prilažu uz prijavu moraju biti original ili ovjerene kopije.



VII KRITERIJI ZA OCJENU PRIJAVA I ODABIR KORISNIKA

Sredstva iz tačke III Javnog poziva rasporedit će se prema slijedećim kriterijima:

1. Značaj aktivnosti sa aspekta unapređenja lovstva.
Vrednovanje po osnovu ovog kriterija vrši se na slijedeći način:
 - Projekti nabavke i unošenja divljači – 5 bodova,
 - Projekti kojima je planirana izgradnja lovno tehničkih objekata – 2 boda,
 - Projekti kojima je planirana izgradnja lovno uzgojnih objekata – 5 bodova,
 - Projekti koji imaju za cilj uzgoj i zaštitu divljači – 5 bodova,
 - Stručno osposobljavanje kadrova u lovstvu – 2 boda,
 - Naučno-istraživački rad u lovstvu – 5 boda,
 - Izdavačka djelatnost u lovstvu – 2 boda,
2. Organizovanost i broj članova udruženja od 1 do 5 bodova (do 100 članova dodjeljuje se 1 bod, od 101 do 200 članova 2 boda itd.),
3. Sufinansiranje projekta (do 10% dodjeljuje se 10 bodova, od 11% do 20 % - 20 bodova itd),
4. Visina uplate zakupa za korištenje lovišta koju je korisnik lovišta uplatio za lovnu 2023/2024. godinu. Vrednovanje na osnovu ovog kriterija vrši se na slijedeći način:
Podnosilac prijave koji je za korištenje lovišta za lovnu 2023/2024. godinu, uplatio najveći iznos zakupnine za korištenje lovišta dobiva maksimalnih 7 (sedam) bodova, a svaki naredni dobiva po 1 (jedan) bod manje i tako redom. Korisniku lovišta koji je u lovnoj 2023/2024. godini uplatio najniži iznos zakupnine dodjeljuje se 1 (jedan) bod.

Zbir bodova se unosi u tabelu i vrši se konačni obračun osvojenih bodova na osnovu kojih se dodjeljuju finansijska sredstva na način kako je to utvrđeno u tački 2. Programa Vlade Kantona Sarajevo o utroška sredstava iz Budžeta Kantona Sarajevo u cilju unapređenja lovstva na području Kantona Sarajevo za 2023. godinu.

Postupak pregleda prijave za dodjelu sredstava iz Javnog poziva izvršit će Komisija za utvrđivanje i provođenje ovog javnog poziva koju će imenovati ministar Ministarstva privrede Kantona Sarajevo. Svaki član Komsije potpisat će izjavu o nepristrasnosti i povjerljivosti. Komisija će utvrditi formalnu ispravnost istih u smislu njihove blagovremenosti, potpunosti, urednosti i na osnovu kriterija iz ovog Javnog poziva provesti ocjenu bodovanja.

VIII NAČIN PODNOŠENJA PRIJAVA

Prijave sa potrebnom dokumentacijom (**originali ili ovjerene kopije, ne starije od 6 mjeseci**) podnose se na protokol Kantona Sarajevo ili preporučeno putem pošte na adresu:

**Kanton Sarajevo
Ministarstvo privrede
ul. R. Dž. Čauševića br. 1
71000 Sarajevo**

**(za Javni poziv za dodjelu sredstava iz Budžeta Kantona Sarajevo u cilju unapređenja
lovstva na području Kantona Sarajevo za 2023. godinu
– neprofitne organizacije i udruženja - ne otvaraj)**

IX ROK ZA PODNOŠENJE PRIJAVA

Rok za podnošenje prijave je 15 dana od dana objavljivanja Javnog poziva u sredstvima javnog informisanja i web stranici Kantona Sarajevo (www.ks.gov.ba). Prijave dostavljene nakon isteka roka iz Javnog poziva vraćaju se podnosiocima neotvorene.

X RAZMATRANJE PRIJAVA

Neće se uzeti u dalje razmatranje prijave dostavljene po Javnom pozivu:

a) koje su neblagovremene (prijave dostavljene nakon isteka roka za dostavljanje prijave na ovaj



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

Javni poziv),

- b) koje ne sadrže kompletnu dokumentaciju koja se traži ovim Javnim pozivom,
- c) koje svoj projekat sa dokumentacijom ne dostave u zatvorenoj koverti sa naznakom kako je navedeno u Javnom pozivu,
- d) koje ne sadrže u potpunosti popunjen prijavni obrazac i izjave (obrazac: IZ-1, IZ-2 i IZ-3), potpisani i ovjereni od ovlaštene osobe za zastupanje,
- e) ako se kandiduju projekti koji nisu predmet ovog Javnog poziva i/ili koji sadrže dva ili više projekata.

XI IZBOR KORISNIKA I PRAVNA ZAŠTITA

Pregled prijave i dokumentacije, ocjenu o ispunjavanju uslova i bodovanje kriterija vršit će stručna lica imenovana rješenjem Ministarstva privrede Kantona Sarajevo. Nakon dostavljenog izvještaja komisije, ministar Ministarstva privrede Kantona Sarajevo utvrđuje konačnu rang listu uspješnih projekata za finansiranje/sufinanciranje u skladu sa raspoloživim sredstvima. Ministar Ministarstva privrede Kantona Sarajevo će nakon utvrđene konačne rang liste donijeti odluke o odobravanju sredstava.

Ministarstvo privrede Kantona Sarajevo objavljuje Listu udruženja koji ispunjavaju uslove, kao i Listu udruženja koji ne ispunjavaju uslove, a iste objavljuje na web stranici Ministarstva privrede Kantona Sarajevo: <http://mp.ks.gov.ba/>. Udruženje koje smatra da je njegovo pravo povrijeđeno u postupku izbora korisnika namjenskih sredstava iz oblasti lovstva može uložiti prigovor Ministarstvu privrede Kantona Sarajevo, u roku od 7 (sedam) dana od dana objave listi.

XII OBAVJEŠTENJE O DISKVALIFIKACIJI I PRIGOVOR

Podnosioci čije prijave ne budu ispunjavale formalno pravne uslove bi će o tome obaviješteni u pisanoj formi. Protiv dostavljene obavijesti podnosioci mogu podnijeti prigovor Ministarstvu privrede Kantona Sarajevo u roku od 7 (sedam) dana od prijema obavijesti. O prigovoru odlučuje ministar Ministarstva privrede Kantona Sarajevo, a odluka o prigovoru je konačna.

XIII SPREČAVANJE SUKOBA INTERESA

Svaki član komisije bit će isključen iz postupka dodjele sredstava ukoliko se utvrdi da je u sukobu interesa u odnosu na podnosiocje prijave.

Podnosioci prijave imaju mogućnost da Ministarstvu privrede Kantona Sarajevo prijave sumnju na postojanje sukoba interesa, a Ministarstvo privrede Kantona Sarajevo će odlučiti po svakoj prijavi.

XIV OSTALE ODREDBE

Ministarstvo privrede Kantona Sarajevo ne snosi nikakve troškove podnosiocu prijave u pripremi i dostavljanju prijave i dokumentacije po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.

Za sve informacije vezane za ovaj Javni poziv kontakt telefon je 033/562-233.

